



ԵԿԵՂԵՑԱԿԱՆ ԲԵՄ. ԼՈՒՐԵՐ

Նոյեմբերի 28-ին, կիրակի.—Այսօր Մայր տաճարում ա. պատարագ է մատուցում Կալկաթայի հայոց հոգևոր հովիվ տ. Հակոբ քհն. Գյուկչյանը, որը ուխտավորաբար գրտնըվում էր Մայր Աթոռում, և քարոզում է հավուր պատշաճի՝ հաղորդելով հնդկահայության եղբայրական ողջունները Մայր Աթոռի միաբանությանը և ներկա հավատացյալ հայ ժողովրդին:

Ս. պատարագին ներկա էր Վեհափառ Հայրապետը:

*
* *

Դեկտեմբերի 1-ին, չորեքշաբթի.—Այսօր Վեհարանի հանդիսությունների դահլիճում աստղագիտության մասին հետաքրքիր դասախոսություն կարդաց Բյուրականի աստղադիտարանի գիտաշխատող տիկին Ա. Բարսամյանը:

Դասախոսությանը ներկա էին Վեհափառ Հայրապետը, Մայր Աթոռի միաբանությունը և հոգևոր ճեմարանի բարձր դասարանի ուսանողները:

Դասախոսությունը լավեց մեծ հետաքրքրությամբ:

*
* *

Դեկտեմբերի 4-ին, շաբաթ.—Տօն սրբոց առաքելոցն և առաջին լուսաւորչացն մերոց Թադէոսի և Բարթողիմէոսի.

Այսօր Մայր տաճարում ա. պատարագ է մատուցում տ. Նշան քհն. Բեղերյանը:

*
* *

Դեկտեմբերի 5-ին, կիրակի.—Այսօր Մայր տաճարում ա. պատարագ է մատուցում Քյուլնի հայոց հոգևոր հովիվ տ. Գաբեգին աթղ. Ներսիսյանը, որը ուխտավորաբար գտնվում էր Մայր Աթոռում:

Հավարտ ա. պատարագի, Վեհափառ Հայրապետի ճախագահությամբ, կատարվում է հոգեհանգստյան մասնավոր պաշտոն՝ Մայր Աթոռին առընթեր ճարտարապետների հանձնաժողովի անդամ դոկտ. պրոֆ. Կարո Ղաֆադարյանի, հոգևոր ճեմարանի հայրենագիտության դասախոս Կամսար Ավետիսյանի և նկարիչ Գևորգ Գրիգորյանի (Ջոտտո) մահվան քառասունօրի առթիվ:

Վեհափառ Հայրապետն արարողություն:

նից առաջ քարոզում է «Քրիստոս Որդի Աստուծոյ անոխակալ և բարեգութ, գթա քո արարչական սիրով ի հոգիս հանգուցեալ ծառայից բոց» հոգեհանգստյան աղոթքի բնաբանով՝ վեր հանելով նորոգ հանգուցալ մտավորականների կատարած գիտական, հասարակական ծառայությունները հալ մշակութիւն և հալ ժողովրդին:

Հոգեհանգստյան արարողությունից հետո՝ Վեհափառ Հայրապետը Վեհաբանում ընդունում է հանգուցալ Կարո Ղաֆադարյանի, Կամսար Ավետիսյանի, Գևորգ Գրիգորյանի ընտանիքներին, հարազատներին, բարեկամներին, ընկերներին և սիրուհիներին հայրական խոսքում մխիթարում նրանց կրած մեծ վիշտը, հանգուցալներին բարեմաղթում հոգու հավիտեական խաղաղություն և հանգիստ:

*
* *

Դեկտեմբերի 8-ին, չորեքշաբթի.—Այսօր, առավոտյան ժամը 12-ին, Վեհաբանում Վեհափառ Հայրապետն ընդունում է ԱՄՆ-ի Էներգետիկ հետազոտությունների և մշակումների վարչության ղեկավար դոկտ. Ռոբերտ 2. Սիմենսի, որը գլխավորում էր ատոմային էներգիայի խաղաղ օգտագործման բնագավառում համագործակցության սովետա-ամերիկյան համատեղ հանձնաժողովի չորրորդ աստաշրջանի պատվիրակությունը: Հարգելի հյուրին ընկերակցում էր ՍՍՀՄ ատոմային էներգիայի օգտագործման պետական կոմիտեի նախագահ Ս. Մ. Պետրոսյանը:

Հայոց Հայրապետի և ներկա գիտնականների միջև տեղի է ունենում հետաքրքիր զրույց՝ ջերմ մթնոլորտում:

*
* *

Դեկտեմբերի 9-ին, հինգշաբթի.—Այսօր հոգևոր ճեմարանի դահլիճում «Ասորական աղբյուրները» թեմայով դասախոսություն կարդաց ա. Մեսրոպ Մաշտոցի անվան Մատենադարանի գիտաշխատող Հայկ Մելքոնյանը: Վերջերս Հայկական ՍՍՀ գիտությունների ակադեմիայի հրատարակչությունը լույս էր ընծայել գիտնականի «Ասորական աղբյուրներ» աշխատությունը:

*
* *

Նույն օրը, առավոտյան, Վեհափառ Հայրապետը Վեհաբանում ընդունում է այցելությունը բալանդիստական միաբանության անդամ հայր Մայքլ ֆոն Էսթրեքի (Բելգիա):

*
*
Դեկտեմբերի 12-ին, կիրակի.—Այսօր Մայր տաճարում ա. պատարագ է մատուցում տ. Անանիա վրդ. Արաքսյանը: Ս. պատարագին ներկա էր Վեհափառ Հայրապետը:

*
* *

Դեկտեմբերի 18-ին, երկուշաբթի.—Այսօր, երեկոյան, Վեհափառ Հայրապետը Վեհաբանում ընդունում է այցելությունը Լիբանանում Սովետական Միության արտակարգ ու լիազոր դեսպան Նորին Վսեմություն Ալեքսեյ Սալտանովի և նրա հարգելի տիկնոջ: Հայոց Հայրապետի և մեծահարգ պրն. դեսպանի միջև տեղի է ունենում ջերմ զրույց՝ բարեկամական մթնոլորտում:

*
* *

Դեկտեմբերի 16-ին, հինգշաբթի.—Այսօր հոգևոր ճեմարանի դահլիճում երիտասարդ լուսանկարիչ Սերգեյ Համբարձումյանը սլայտների օգնությամբ ցուցադրեց իր աշխատանքները, որոնք վերաբերվում էին Հայաստանի պատմական վանքերին, խաչքարերին և տեսարժան վայրերին:

Սլայտների ցուցադրմանը ներկա էր Վեհափառ Հայրապետը:

*
* *

Դեկտեմբերի 19-ին, կիրակի.—Այսօր Մայր տաճարում ա. պատարագ է մատուցում տ. Մոմիկ վրդ. Սարգսյանը և քարոզում «Երանի ողորմածաց, զի նոքա ողորմութիւն գտցեն» (Մատթ. Ե 7) բնաբանով: Ս. պատարագին ներկա էր Վեհափառ Հայրապետը:

*
* *

Դեկտեմբերի 26-ին, կիրակի.—Այսօր Մայր տաճարում քահանայական իր առաջին ա. պատարագը մատուցեց տ. Հակոբ արք. Գլընճյանը և քարոզեց «Հաճոյ թուէր մեզ տալ ձեզ ոչ միայն զԱւետարանն Աստուծոյ, այլ եւ զանձինս մեր» (Ա. Թեաղ. Բ 8) բնաբանով:

Ս. պատարագին ներկա էր Վեհափառ Հայրապետը:

*
* *

Դեկտեմբերի 30-ին, հինգշաբթի.—Այսօր, երեկոյան ժամը 18-ին, Երևանի հայրապետական վիլլայում, Վեհափառ Հայրապետի նախագահությամբ, գումարվեց Գերագույն հոգևոր խորհրդի հերթական նիստը: Գերա-

գույն հոգևոր խորհրդի սույն միասին հրավիրվել էր նաև Մայր Աթոռի գլխավոր ճարտարապետ Արծրուն Գալիկյանը, որը հանգամանորեն զեկուցեց 1977 թվականի ընթացքում Մայր Աթոռի վերանորոգչական-շինարարական աշխատանքների մասին:

Գերագույն հոգևոր խորհուրդը հաստատեց վերանորոգչական-շինարարական աշխատանքների ներկայացված ծրագիրն ու նախահաշիվը, որը կազմում է շուրջ 300.000 ուրլի:

ՀԱՅՐԱՊԵՏԱԿԱՆ ԳՆԱՀԱՏՈՒԹՅՈՒՆ

Ծիրակի թեմի սուաջնորդ տ. Նարեկ եպիսկոպոս Ծաքարյանի միջնորդությամբ, քահանայական իրենց բարեխիղճ և ազնիվ աշխատանքների համար, հայրապետական կոնդակներով ավագ քահանայության պատվի արժանացան և քահանայական լանջախաչ կրելու իրավունք ստացան հետևյալ քահանա հայրերը.

1.—Ավագ քահանայի պատվի տվչություն

ա.—Տ. Արամ քհն. Բոյաճյան (Լեհինականի ա. Աստվածածին եկեղեցի):

բ.—Տ. Կարապետ քհն. Քելեմյան (Լեհինականի ա. Աստվածածին եկեղեցի):

2.—Լանջախաչի տվչություն

ա.—Չավեն քհն. Մոսկովյան (Կիրովականի ա. Աստվածածին եկեղեցի):

բ.—Տ. Հակոբ քհն. Կեպենյան (Լեհինականի ա. Աստվածածին եկեղեցի):

գ.—Տ. Սուրեն քհն. Ծատուրյան (Լեհինականի ա. Աստվածածին եկեղեցի):

դ.—Տ. Վահան քհն. Մարգարյան (Ստեփանավանի ա. Սարգիս եկեղեցի):

